

author: Sommariva, Giuseppe <sec. 19.>
title: A macchin per Londra : fantasia meneghina
shelfmark: ZQ.3.128/04
library: Biblioteca nazionale Braidense - Milano - IT-MI0185
identifier: MIL0657696

Le riproduzioni digitali accessibili dalla Biblioteca digitale italiana di www.internetculturale.it sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che reproducano parzialmente o completamente le immagini, dovranno sempre e comunque citare la fonte www.internetculturale.it

.....

The digital reproductions accessible from the Italian Digital Library www.internetculturale.it are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source www.internetculturale.it

4 ~~10~~

MÀCCHIN
PER
LONDRA

FANTASIA MENEGHINA
DE
GIUSEPP SOMMARIVA

12

MÀCCHIN
PER
LONDRA

FANTASIA MENEGHINA
DE
GIUSEPP SOMMARIVA

(La scèna l'è a Parìs)



MILANO
DA GIOVANNI MESSAGGI
TIPOGRAFO E LIBRAJO
Contrada di S. Margherita al N. 1121.

**A QUI CHE LÈGG
O LEGGIARÀ.**

Il presente Opuscolo è posto sotto la salvaguardia delle Leggi.

Tucc parlen de Londra e de la soa esposiziòn *mostra* o non *plus ultra*; anca mi hoo voruu schiscia foeura quàtter ciàccer fantàstich, tant per fa passà la malanconia. Se ghe rièssi hoo vengiuu la scommèssa che hoo faa col mè cervèll tutt tribulaa — se perdi, amen; saroo minga mi el prim nè l'ultem.

Milán, 12^a Magg 1851.

El voster PECENNA DESPECENNA.

I.

L'ALBERGH.

A Paris in la contrada del Mâj, gh'è on albergh che se dimanda l'Otèl de Brussèlles. — Al prim piàn in la càmera numer 8 se troeuva alloggiaa on sciòr de la rázza di capellee milanès, de mèzza etaa, galantòm in tutta l'estensiòn del tèrmen; el ghà con lu ona soa tosa de circa desdòt-t'ann, nè granda nè piscinina, de misura giusta, con di cavèj castàn, con duu bej oggion, che tira istessamènt al castàn, salvo erròr, cont ona fàccia de paradìs: nasin profilaa, bocca piccolina, color pallidìn, fisionomia che incanta, e per sora-maròss ona grazietta che rapiss. Quànd sta popòla la guarda in faccia a quaghedùn, la svèla el sègrèt de nobil sentiment, d'on spiret educaa, e de tutta la tenerèzza del cœur. In d'on caffè a la piazza de la Borsa vùn de stii di, intanta che sta madamigèlla la restituiva a on avventòr on numer d'on giornàl senza titol, che monsù el s'era faa premura de dagh, induvinand i sò desideri, la gha dit: *merci* con on fa, con ona espression che... ciao, l'è inùtel, quand el ghe pensa, el faràv el capellee anca lù. — Sto sciòr 'capellee el vœur andà a Lòndra a espòn on capellòn àlt com'è la colònna de la piazza Vandòm, strècc, e lárgh in di àl vòtt brázza: — stoo capellòn el resist alla fiòcca de Febràr, ai vènt de Mârz, all'acqua de April, al temporàl e ai tempèst de Mâgg, — l'è impenetrabil per tucc, esclùs per quii che ghà ròtt

6

el coo. — Lu el se dimanda che se staa càra pivella, Nina.

Al numer 7. de l'istèss piàn se l'oeuven alloggiaa duu olter Milanès, mari e miee. — El mari l'è on certo Baltrám Tànghen, lavorant de invèdree ona vœulta, adèss el fa el de pu, perchè l'ha vengiuu duu tèrni al lótt de cinquanta mila lira l'ùn — la miee la se dimanda Pèppa, fioeula d' on' ortolana. — El sciur Baltrám el vœur andà anca lu a Londra per mètt all' esposizion ona màcchina de cristall per fa i tortèj d' œuv, con la canna longa on mia — se vèd el tortèll a nàss, a viaggià e a scarligà denter a bagna-maria in la padèlla. Baltrám el ghà trent' ann, grand, gròss, scoppazzuu, e tarlùch. — Pèppa l'ha passaa appèna la mag-gioritaa, de statura ordènnaria, grassòtta, bianca e rossa com'è on laac e vin, la cognoss l' esùs, la gha semper ona vòs raffreddada, pussee de òm che de donna, e ona bèrta de verzee.

II.

DIALOGH.

Ehi popòla, se pó?
Avanti, . . . oh sciora Pèppa che la rèsta pur servida, son de per mi . . . còssa la comanda?
Che la scusa vedela, gh'aveva paura che ghe fudèss el sò papà.
E così, còssa saràv?
L'è òm tropp de sudizion, ghoo vergògna . . . me scàli nò.
Cialad. Mè papà el vèd semper volentèra i sò compatriòtt, e pocu l'è nient del tutt òm de mètt sudizion.

7

L'è vera, ma sciora, nò on minga bona de parlà pòid come parlen lór, e vèd el pussee rossa de quèl che son per la vergògna. Son semper stada insci mi, semper vergògnòsa — anca quand fava l'ortolana, se quaighedùn me diseva ona quai paròla . . . on poo . . . on poo . . . gràssa . . . mi ciào, gh'aveva vergògna, e puttòst che respond ghe lassava andà on scuflìott a man roversa. —

Oh va bèn! —

Avarèv de besògn de avègh la soa ducazion, de savè parlà come lee, de savè el francès, de savè dagh la giangia. . . ma mi, la vèd . . . son ignoranta. . . hoo imparaa appèna l'al-fabèt. — Però in la settimàna passada a Liòn on sciòr che l'eva loggiaa in l'istèss albergh indove serem mi el mè òm, all' albergh di negoziànt in la contrada del Bätt d' arsgian, el n'ha insegnaa di paròl francès i pussèe necessari: a di de sì, de no, pàn, vin, menèstra, mangià, dormi, andà a spàss.

E nient' alter?

Sì di olter còss, e a mi . . . ma lee l'è ona tòsa, e cèrto coss. . . la vèd, se pò minga di tutt —

Oh desideri nanka de savèj. (stupida!) — Lassèm andà adèss stoo discors, che la m'è disa in che pòss servila.

Mi s'era vegnuda per digh che dimàn nùn voeuem andà a Londra, perchè come la sa, me mari el vœur mètt a l' espulzion de véder . . .

Esposizion la vœur di eh?

Sì sì es. spo. spo. sont minga bona de voltà la lengua — donca per sta màcchina che ghèm, mi già voreva nò, l'eva mèj vendela e ciapà di danee sùbet, ma lu odèss! gnùch com'è on mul, l'ha vorsuu mèttes in viàgg per andà a mèttela focura: el ghà smània de fàss nominà in gazzèta — donca s'era vegnuda per vedè de combinà de andà insèmma.

In quànt a quèst mi savarèv minga adèss dagh ona ris-pòsta, sentiroo el mè papà, perchè a dila soo minga nanka se andarèm.

Perchè mò?

Ma perchè mi ghoo paura.

Che la scusa, ma l'è ona gran fiffona. E poeu vorèvv vedè mi. La sa no, che se on quai sfacciaa el fàss domà per... la sa nèn, certa stoffa la piàs... sarèvv bona, tål e quål la me vèd, de tràgh giò tutta la restellèra i dent e mandaghi in gora?

Ona vœulta a Milán sont andata al tajàter de la Scala in alto là, in pivionera a vedè ona cantanta che la ballava in la commèdia de Giulio e Rometta . . . (la popòla la trà fœura on scioppòn de rid) Perchè la rid?

Ridi perchè a lee ghe bàsta i sò cinqu sold, e . . .

Ma adèss la sentirà. S'era settàda arent a ona mia amisa, la miee de vùn che vend i truffol; de dree on gelaa el s'è miss a fa el giavàn, a di su di caròtol fina che l'ha slongaa ona mân . . . mi ghoo refilaa on malarbètto pùgn in del stòmèch, che sicùr l'ha spuaa sangu per on pèzz. Sicchè, la vèd, la gha minga de avè paura insèmma a mi.

Basta, sentiroo cossa dirà el me papà. Parlarèmm pussee tard su stoo propòset.

Se sènt a l'uss a fa tàch, tàch. — Entrèz, respond mada-migella; ven dentèr on camarer, el dis: Est que vous, mamzèlle, voulez du café a l'eau?

Une petite tasse. — Tout a l'heure.

Cossa l'ha dit èhi lee sciora Nina, quèl camarèr.

Se voreva del levant, del caffè nègher.

Che scèna! al caffè nèghèr se ghe dis caffè all'O; donca al caffè e pànera ghe diràn caffè al P, e al ciccolát, ciccolat al Q — che ràzza de lenguàgg: e quèl sciòr de Liòn el s'è desmentegaa de insegnàn sti tèrmen de caffettèe; che asnon!

III.

El burò di messaggiarii real in contrada de Nòtre Dàm de Victoàr.

Certò Carlin ch' el studiava de ingegnee, gioven timed, sàvi e timoraa di Dio: el gh'aveva ona volentaa de no di de andà a Londra a presentà a l'esposiziòn ona macchinetta de l'ottòn per misurà la fam — l'ha scritt a sò pàder, che l'eva el padròn d'on stabilimènt de bågna a Sant Dionis feura appèna de la cittaa de Bourges, perchè el ghe däss el permèss — Lu l'ha ditt de sì, e anzi el gha mandaa el sò ragionàt per accompagnàl coll'òbblich però de fa el viagg per Calè in Deligenza e minga sui stràd ferràd — el gh'aveva paura, che andànd tròpp in prèssa, avèss de succèd ona quai desgràzia.

El ragionàt l'è andaa a Paris, l'ha pagaa la donzèna al Carlin e l'ha tòlt duu pòst al burò di messaggiarii real; e per vèss pussee sicur che lu el fuss pront a l'ora de la partenza, l'è andaa lu istèss a dèssedàl a la mattina bon'ora — Sonàven i quattr'òr a la Gesa de la Maddalèna — Carlin l'era già vestii e la sèrva de ca l'aveva giamò fa su la borsa de viagg. Sta bona tosa l'è vegnuda a compagnàl fina in la contrada de Nòtre Dàm de Victoàr al burò di messaggiarii, portand la borsa, e 'l tabàrr, e là insci la s'è missa cont el scossaa a sugàss i oèucc — la maccarava on ciccin, ghe rincresseva che quèl student l'andàss via, lu però el fava el quòniàm.

Mancava mèzz'ora ancamò a la partenza, intanta el ragionàt e 'l sò Carlin hin andaa denter in del caffè vesin e s'hin miss a tœu quaicoss e a osservà i scèn che succedèven in la cort del burò. El prim originàl che s'è presentaa,

L'eva el condutteur de la deligenza mèn recognossibel ai barbis e alla barba de cappuccin e al foeuj de carta ch' el tegnèva in mán, che all'aria de importánza, al süss ch' el menàva dánd dí orden de chi e de là, ai postion, e ai facchin. — Besognàva vedèl sto dèspota in miniadura a passà in revista el sò caroccion, criànd adree al stallee perchè l'ha minga oncisciaa bèn i roeud, al menescàlch, al lampedee e a tucc i olter subaltèrni — bisognava vedèl a fa mett i buj, i sàcch de viagg de chi e de là, de denter, de foeura su l'imperiàl, segond el sò caprizi o el sò interèss, senza riguard ai esclamazion di viaggiator, che sbragiàven: adàsi, adàsi, l'è ròba che va a Londra, all' esposizion. — Vài carròzz stàven per partì — in mezz ai cavaj che se taccàva, al movimènt de la gent, ai facchin che portàven i càss, capellèr, fagott, che bestemmiàven, a quii che partiva caragnand, se saràv poduu di che l'era ona cittaa tòlta de assàlt.

La Deligenza in dove Carlin e l' sò ragionàt de ca doveven entrà, l'era avèrta; ona sola persòna gh'era denter è l'era on òm gròss settaa giò; in del momènt, ch' el fa per sarrà su la portèra, ona dònnna giovena l'ha dervida con on fa de dannàda, l'ha dimandaa quell' òm » *ven focura Baltram, ven focura, te disi*: la sorpresa e la pronta obbedienza a descìend da la Deligenza l'ha persuas che l'era vùn scàppaa senza la soa Didòn. — *Te capii*, lee la ghe dis, tèt a tèt, ma con vòs forta, *te capii che tucc disen che a portà la toa macchina a Londra te se faree rid adree — Perché? perchè de cànn de tortej là ghe n'è de pussee longh*. Lu el voeur minga dàgh a trà, lee in d' on bätter d'oeucc la se slonga, le ciappa per el croattin e la fa pèr tiràl via, e lu ... cich, ciach, sgiaffòn de lira da ona part e dall'oltra; lu al vèng la lit — el ciàpa la dònnna in bràsc e tonfeta le sgiacca denter in la carròccia e l'ha fa settà al sò pòst — lu el va in gabriolè — Pèppa la piang e la sbragia de foeura de la portèra: *Te vegnaret a Milan, te rangiaroo mi, tel daroo d' intènd mi*: dòpo la torna al pòst. Bal-

tram per respòsta el pizza on cancanin d'ona pippa, e l' se mett a fumà — lee foeura aneamò cont el coo — *fan pur ona pèll — L' è ona pippa de gèss*, el rèpia lu: — *Ahn!* — la se sètta. Dessadès ompariss in cort on carètt con su ona malarbetta cassa de legn fada a guglia, abbàss lárge e spiattaràda, de dree el sciur Cèch con la soa Nina vestida de viagg: tucc ghe guàrden. — tucc disen: *che bella creatural come l' è mignòna!*

Intanta in la stanza del burò se taccava a lit: l'eva on omàsc grand e gross com'è on titàno, ch'el mesurava di pugn al condutteur perchè el tardava alla partenza disènd, che lu a tardà domà cinqu menùt el pòdeva minga rivà a temp de mett in del palazz de veder on Flaut de noeua invenzion. — Tutta la gènt la sgavàscia del rid a sta proposizion — lu pussee dannaa el dà foeura com' è on mätt, *prest per carità, se de no foo minga a temp a fa...* in quel moment vègnèn denter quatter individuv, quist se avisinin a vùn vestii in paletò de baraccàn, cont on capèl bianch alla Pierrò: chi l'è, chi no l'è — el mènèn via — l'eva appèna vegnuu da la Svizzera. — On olter forestee piscinòtt, con tant de pancia, con ona faccia grassa, a trii barbòzz, la pariva on faccion de tromba, l'eva pondaa al timòn d'ona carròzza, e l'èva tutt infurtaa a fa l' inventari d' on cavàgn pièn de bombòn — el voreva espònii a Londra perchè gh' avèven la particolaritaa de fa spua dolz e mandà giò amàr — finalmènt el condutteur el sbragia: *Postion', allòns, vite — marchòns*. — Trè, tètètètè — la Deligenza la va foeura della pòrta — on quart d' ora dòpo l'era foeura de Paris — in viagg.

IV.

FINAL.

Quand sta Deligenza la stava pòcha arrivà a Calè s' hin spaventaa i cavaj, che hân ciapaa ombria d' on montòn de sàss — i postion hân poduu pu tegnii — giò ona bona stravaccada — Ahi de chi, ajùt de là. —

El sciur Cièch colla soa Nina s' hin faa nagòtta, salvo el stremizi e 'l spaghet, ma el capellón l'è diventaa capellin, tutt spettasciaa com' è ona carzenza.

Baltrám sòtt ai cavaj — ròtt el crani — mort — la soa Pèppa, vèdova, con focura trii dent denanz — la canna per i tortèj ròtta in quatter tòch.

El Titano moribond, el sò famoso flaut storta in l'imbocadura.

El pansciott all' ospedaa con fracassaa la ganassa — i sò bombón spantegaa per terra.

El Carlin col só ragionàt sàn e salv, e salva e sàna la soa maccchina per misurà la fàm.

E così sia.



15796

Dallo stesso TIPOGRAFO si è pure pubblicato l'altro
Opuscolo del medesimo AUTORE intitolato :

MENEGHIN

A

ROMA

Prèzzi Centesem 75.

EL PREZZI

L' È DE CENTESEM 50.

Per i Sciori Associaa a la STORIA DE MILAN el prèzzi l'è
domá de centesem 50.
